

南海縣志卷二十五

雜錄上

案雜錄亦當編年然以類相從則檢尋較易茲間有仿紀事本末例而稍為變通者排次之舛閱者諒之任昉述異記南海有盤古墳亘三百里今佛山明照鋪富民鋪俱有盤古廟豈即其地耶恐未確若然則視鼻天子冢尤

古矣

據述異記廣語
陳佛山志參脩

楊議郎孚南裔異物志物各有贊書久佚曾冕士學博於藝文類聚初學記等古籍中輯成一帙而贊仍缺屈氏廣東文選僅存三首桂云桂之灌生必粹其族柯葉不渝冬夏常綠匪桂植在乎嵩岳犀云於惟元犀處自林麓食惟荆棘體兼五肉或有神異表異以角含精吐烈望若華燭置之荒野

南海縣志

卷二十五

雜錄上

一

壬申續脩

禽獸莫觸貝云乃有大貝奇姿難儔素質紫飾文若羅珠不磨而瑩采耀光流思雕莫加欲琢匪踰在昔姬伯用免其拘屈氏書流聞漸罕特錄之俾與前志鷓鴣韻語同傳

據廣東文選采

訪册
參脩

粵詩謂始曲江則以吾邑楊孚異物贊究非詩而張買越謳亦不傳也然藝文類聚載有陳劉刪詩共九首日泛宮亭湖曰侯司空宅詠妓曰賦得蘇武曰賦松上輕蘿曰詠青草曰賦得馬曰詠蟬曰采藥遊名山曰獨鶴凌雲去均沿齊梁體格詩不備錄謹存其目於此

據藝文類聚脩

又温謙山舍人詩海謂吾邑廖有方柳柳州稱其有大雅之音今已淪亡而唐人萬首絕句載其葬寶雞行路士人一首云嗟君沒世委空囊幾度勞心翰墨場半面為君申一慟不

知何處是家鄉亦可誦

據唐人萬首絕句詩海參脩

飲貪泉者二晉吳處默千古豔稱之唐馮立人罕及者立有武藝略涉書記事出牧南海不營生業衣食取給而已嘗至貪泉嘆曰此吳隱之所酌泉也飲一杯何足道哉吾當汲而飲之乃畢飲而去

據大唐新語廊齋雜記參脩

謹案馮立事阮通志宦績略已詳而前志未及附錄於此

蕭廩字富侯第進士遷尚書郎父倣領南海解官往侍爲人退約少合南海多穀紙倣敕諸子繕補殘書廩諫曰州距京師且萬里書成不可露齋必貯以囊笥貪者伺望得無蕙艾嫌乎倣曰善吾思不及此乃止亦問絹者流殆郎君谷中翹

楚歟

據新舊唐書參脩

南海縣志

卷二十五

雜錄上

二

壬申續脩

相傳張鎮孫故宅在河南龍田鄉嘉慶道光間村人屢議重構石坊不果而劉壩隱居通議載咸淳七年同年小錄云第一甲第一名張鎮孫曾祖元貴祖機父南仲外氏何娶蔡本貫廣州南海縣城南廂今太平門內有狀元坊殆卽鎮孫所居遺址歟

據隱居通議采訪冊參脩

明司綵女官

尚功之屬掌儲藏段疋者也

王氏南海人永樂二年選入宮

命與權妃同輦辭曰妾嫠婦也安敢充下陳哉帝重之許歸有宮詞云璫花移入大明宮一樹凝香倚晚風贏得君王留步輦玉簫吹徹月明中殆爲權妃作也權妃高麗人

據明詩綜靜志

居詩話參脩

又司寶

尚服之屬

黃維德亦南海人仁宗昭皇后有送其歸南海

詩句云咨爾維德女中士自少從容知禮義一從應詔入皇

宮夙夜孜孜勤乃事又云嶺海迢迢千萬里潞河官櫂春風
裏賜衣宮錦生光輝親戚相迎人總喜又云喜爾富貴歸故
鄉我心念爾恆不忘綵筆題詩意難盡極目天南去雁翔殆
亦甚重其人耳

全同

明天順間學士黃諫來判廣州其人有水癖者也嘗大品諸
泉以雞爬井爲最日汲啜之後撰爲廣州水記曰予使安南
還駐舟五羊汲江水飲之頗甘及來判廣州城中井水多鹹
苦江隔城不得日汲居人皆謂大北門內九眼井甘甚予乃
日汲之井在粵秀山下與江水較之遠近相若復取江水用
數月冬深不雨水涸江亦鹹乃復飲此井至春地氣上升水
亦頗易其味因暇登粵秀山轉而西行憩悟性寺中東苑一
井頗佳視九眼井殊勝昔達摩卓錫得之與九眼井相去百

南海縣志

卷二十五

雜錄上

三

壬申續脩

步蓋達摩泉也郡志越井岡僞劉王玉龍泉恐卽此井又鮑
姑井在越臺西南意卽此地後汲北郭洗臼井頗不佳又行
三里餘乃得雞爬井郡志所未載取而試之雖九龍泰泉亦
不及矣遂鑿井傍石題曰學士泉郡人遂傳其名士大夫皆
取供烹茶用而是泉遂大顯廣城舊少井陸刺史始導泉百
餘里蘇東坡孫龍圖亦浚二井今蘇井在元妙觀西廊嘗汲
飲之亦不甚佳龍圖井在城北校場今不知何處其餘皆陸
刺史所鑿也布政司堂西有井頗佳次則郡廨後井與光孝
寺後古羅漢井相若今寺西廊有訶子泉傳爲羅漢井恐非
是味不佳開元寺有居士泉折彥質所浚今在巡撫廳前曾
親嘗之勝蘇井遠矣他如西市頭月泉草行頭日泉馬站巷
流水井二處皆試之味不佳又有星泉在繡衣坊雙井在城

北施水庵其井甚淺下有雙孔春夏溢出地上味亦平平小北門外近西一泉西禪寺有二井皆不及城中數泉嘗以廣州諸泉品之學士泉味最清美經晝夜且不變宜居第一九龍泰泉第二蒲澗簾泉第三悟性寺井第四雙井街施水庵井第五小北門外泉第六洗臼井第七九眼井第八居士泉第九外是固不足取布政司及郡廨二井頗勝他處宜居第十而蘇井五眼井羅漢訶子曰泉月泉書院井固有名當時而優劣難逃公論也

據恭巖札記脩

嘉靖議禮諸臣最專愎者無如張蘿峯最和平者無如方西樵其解縉紳之禍不小及入閣後上每欲論決故建昌侯張延齡時張蘿峯居首揆雖爭之僅以傷昭聖太后心爲言方疏乃云陛下居法宮之中誰導以悖倫忍心之事若此者其

南海縣志

卷二十五

雜錄上

四

壬申續脩

犯顏至此

據野獲編脩

世傳方文襄少好弄以閣老自命其季父諸生誚之曰未老先稱閣老卽反脣曰無才竟作秀才文襄以議禮驟貴位廁鼎司而立朝居鄉身名俱泰卽髻齡未必疎狂誕妄如此殆

委巷之談耳

據采訪冊脩

霍渭厓初以明倫大典成得拜禮部尙書賞議禮功也迨佐吏部薦人材舉詞臣豐熙楊慎則議大禮遣戍者刑部郎唐樞則以大獄編氓者知縣陸粲則故給事中論張桂及霍者其能不脩伎又如此至得蔭不與其子而推長姪人尤以爲

難云

據野獲編脩

相傳霍文敏善青烏之術葬其祖於石灣之蛇山山不甚高四望皆田有石脈延袤數里至本山而止山之巔有石巖如

蛇口狀牧鵝鴨者遇風雨人畜輒避其中公之祖葬於巖下至公而顯墓上藁樹一株終歲不脫一葉每脫一葉則有一子孫登科者隆慶間葉忽盡脫族人驚異以爲不祥多遷避去而是年文敏卽入祀鄉賢明年復抽條如舊今數百年來巖漸長深不過尺許耳

據粵小記脩

霍文敏嘗往來稅駕於佛山汾水後乃購地創宇飾爲停驂之所子孫因建祠焉里人榮之相沿呼爲官廳近復祀關聖眞武於其偏階前有井水甚清冽大旱取汲不竭

據佛山志餘采訪冊

參脩

郭夢菊隸官雲南布政使時值用兵緬甸無功獻策於督臣陳用賓謂暹羅與緬甸爲鄰恆爲仇敵而暹羅朝貢不絕茲遣一介獎其恭順俾興師牽制緬甸則首尾不能兼顧我

南海縣志

卷二十五

雜錄上

五

壬申續脩

以偏師乘其弊此漢人通西域以制匈奴之故智也用賓迂其策不用論者惜之所著日紀一卷皆居官時瑣事而竝及

此亦碎金也

據夢菊日紀脩

郭給諫尙賓疏稿已見前志藝文略如萬曆四十一年疏言粵地可憂防澳孔亟宜亂本以固疆圉事時督兩廣者張鳴岡也據沈景倩野獲編鳴岡覆疏乃言澳夷近狀謂澳中私畜倭奴且遞築牆垣抗殺官兵倭已有妻子廬舍今不亡一矢逐名取船押送出境數十年澳中之患一旦祛除惟倭去而虜留議者有謂必盡驅逐須大兵臨之以弭內憂有謂濠鏡內地不容盤踞今移出浪白外洋就船貿易以消內患然濠鏡在香山官兵環守彼日夕所需咸仰給於我一懷異志卽扼其喉不血刃而制其死命若移出浪白大海茫茫無

涯蕃船往來何從盤詰奸徒接濟何從堵截句倭釀釁莫可問矣其然豈其然乎與給諫原疏鑿枘已極而給諫四十二年疏言督臣守不可誣宜警奸邪以安疆圉事則謂臣幸得總督兩廣張鳴岡之賢斯能令民有恃而無恐又謂臣知鳴岡大非侵兵餉貪蠻貨取珠寶之人又謂鳴岡嚴禁餽遺清汰耗羨於澄清粵東吏治最爲得力或者鳴岡果才請重臣偶然意見不合故覆疏如此而給諫絕不芥蒂與前明臺諫諸賢黨同伐異者迥殊洵偉人矣

據郭給諫疏稿野獲編參脩

萬曆六年省垣大旱祈禱無驗四民迎寶光寺達岸肉身於交衢如術誦禱三日甘霖大霑眾請肉像還寺舁之不動琮卜像所願止願居訶林焉無何寶光燬於火肉像蓋避劫也寺遂荒廢後蕭子奇乃擇今地建寺迎像改名烟雨寺

據恭巖札

南海縣志

卷二十五

雜錄上

六

壬申續脩

脩記

明鄒可張嘗重刊宋祝穆事文類聚其書遠遜歐陽詢藝文類聚而宋人詩文其別集未甚流聞各選本未經甄錄者間藉以傳則皆安石碎金也聞其後人議復刊迄未果

據采訪冊脩

陳文忠公子壯遺集文多古直蒼涼有曹公莽莽氣象而家書十九首述明季批政言哀人痛有足補史傳之缺者然如第四首謂袁繼成劾太監張彝憲總理戶工二部錢糧疏請府州縣各官齋冊投赴以隆體統爲有爲而發當不其然然文忠亦謂人言如是非不滿於臨侯也至東孫念先與凌茗柯二書周櫟園尺牘新鈔錄之謂其氣息逼近晉人恐文忠

夷然不屑耳

據練要堂集尺牘新鈔參脩

相傳陳秋濤宗伯將殉難時有枯樹詩云金枝歸何處玉葉

在誰家老根曾願死誓不放春花練要堂集未載又集有荔支詩曰黎仲賜自註土人得種於黎而嘉其稱譜嶺南荔支者所未及詳也

據練要堂集
粵小記參脩

吾粵前明詩社特盛而南園稱最最後十二人陳秋濤子壯弟中洲子升黎美周遂球區啓圖懷瑞弟叔永懷年高見庵賚明黃石傭聖年梁紀石佑達黎洞石邦城謝雪航長文曾息庵道唯諸君子自息庵外多以忠烈稱洵所謂餘事作詩人

者

據楚庭稗珠錄
粵小記參脩

佛山金魚堂陳氏祠祀了翁先生有額曰剛毅直臣乃方正學所題明季病疫者刷印懸室中疫卽不染

據佛山志餘脩

佛山鎮舍人廟甚靈顯商賈每於月盡之日祭之神姓梁前明本鎮人爲杉商公平正直不苟取人皆悅服一日眾商見

南海縣志

卷三十五

雜錄上

七

壬申續脩

海中有杉數千百逆水而來梁危坐其上呼之不應迎視之已逝矣移屍岸側奔告梁族皆不至眾商以杉易金買棺斂之至岸側而羣蟻銜土封之已成墳矣遂建廟以祀禱無不應唯族人禱之則否今墓在廟後然漸荒廢矣

據粵小記脩

麥義先鋒廟在白沙西北約先鋒鄉人也宋咸淳間陣亡其袂逆流歸有鳥集焉母出汲見之曰此我兒物啟視劍在鳥悲鳴去鄉人創廟以祀劍今埋神座下

據採訪冊脩

鄺湛若露赤雅文飾古藻然如曰先王建國必因山川審遠近故建瓴之勢立指臂之義順勢立則內強義順則外服然後霸王之業可成也若割兩江東包廉欽潯鬱以北盡乎宜柳屬之南甯使自爲牧鎮則兩江谿洞可馳尺版而服卽用兩江之兵南略交阯此指臂之義也桂林故衡湘地形勢表

延首起衡嶽腹盤八桂尾達蒼梧湘灘二水分繞其下桂林據其上游若屋極焉割衡永郴道諸郡並隸廣西封略偉矣又述岑氏兵法能以少擊眾將千人者得以軍令臨百人之將將百人者得以軍令臨十人之將一人赴敵則左右呼而夾擊一伍爭救之一人戰歿左右不夾擊者斬一伍之眾皆罪一伍赴敵則左右伍呼而夾擊一隊爭救之一伍戰歿左右伍不夾擊者斬一隊之眾皆罪不如令者斬退縮者走者斬言惑眾者斬敵人衝而散者斬敵以金帛遺地拾者斬論者以爲鑿鑿可用卽古之名將談兵何以過此僅以才士目之非知露者

據桐花閣集脩

海雪曾師事懷甯爲序詠懷堂詩稱門人懷甯復起羅織東林乃貽書削籍其書侃侃千言有陳君用舟者見之金陵市

南海縣志

卷三十五

雜錄上

八

壬申續脩

上云而或論粵人詩絕句有當年誰見絕交書之語似惜其不傳者懷甯何足以玷海雪書之傳否無足重輕耳又嶠雅集載石巢詩話一則海雪自註云此吾師雅言也郢人之質未虧鍾期之耳不復天慙遺矣世喪道矣向秀所以援翰于山陽羊曇所以隕涕于西州也檀萃謂阮死於乙酉而嶠雅授梓當在戊子己丑間雖已移書削門生之籍而感激知已不以物議而諱之此亦中郎發歎之意也 國朝族孫鄺廷瑤撰海雪詩箋並芟雜焉乃鋟板宜矣朱竹垞謂嘗見其駢

體文亦佳惜不傳

據楚庭稗珠錄有寒木齋集參脩

前明九江堡樓閣園林稱最曰迎曦樓朱讓建曰醉隱樓曾應珪建曰西清樓朱謨建曰天語樓曰夢筆山房曾仕鑑建曰水雲樓朱仰柏建曰翠英樓曾儲建曰來紫臺朱疇建曰

寄意清齋曰悠然閣黎春曦建曰百花園曾宏憲建曰嘯園
朱遐建而朱氏昆仲所構尤擅絕景同遂雅懷實蓮有芝園
伯蓮家園有鞞鞞洞引輿園曰華軒思廣園天台深處清言
齋等諸勝協蓮有依園暨水鏡草堂怡雲樓來雋齋庇歡亭
等諸勝迨經兵燹倉皇避地蕪穢不治已伯蓮嘗賦長歌以
寄慨並序復各繫一絕句如云一朝兵燹尋相及松菊披離
三徑荒又云近報萑苻方息影依稀花柳映西堂又云客久
家山勞夢思春來鶯燕爲誰忙讀之令人感喟滄桑而後彌
不可問並憑弔無人矣

據采訪
冊修

石門由漢迄明爲戰守必爭之地今已阻淺然順治庚寅王
師水陸並趨省城正月晦克清遠二月朔師次石門明將施
焜然列艦截拒我兵焚其舟敵人大潰因留戰船守石門以

南海縣志

卷二十五

雜錄上

九

壬申續脩

防肇慶之援兵四月我守備閻飛虎押運礮船游擊張大奎
領步兵沿途護送時永厯聞省垣被圍遣將馬寶郭登第統
鐵騎趨救與大奎遇於石門我步兵敗潰大奎死焉飛虎方
泊對岸畏怯不敢救急乘風抵省城事聞平王數飛虎之罪
斬之以徇諸將請勦石門王曰杜永和之援軍方屯聚石門
石門之民敢不助戰乎張大奎死於杜永和死於石門百
姓也吾奉辭伐罪以定疆宇誅其渠魁赦其脅從而已濫殺
何爲眾乃止

據恭巖
札記脩

順治十四年平南敬王遣其子之隆等六人赴 京宿衛咸
授秩任有差之隆至奉

優旨尙固倫公主晉固倫額駙禮成額駙請侍公主返粵脩
省覲禮因寇氛未靖不果康熙六年四月 准其省覲八月

至羊城以家人禮謁敬王於邸第居八日稟請歸甯敬王親送之南門外額駙公主遂還都

先是尙王建大佛寺爲祝 釐淨壇極莊嚴額駙在都亦聘有行喇嘛四十眾同至廣東在寺脩四十九日無遮勝會齋醮之盛近世所罕覩也今寺南榮前有碑紀其事僧某撰後毀

兩藩戰馬數逾萬匹省垣既定散豢於城中順治十年山東藩司胡章調任廣東途次聞已署爲藩卒占踞養馬卽疏劾兩王縱兵擾民諸罪狀下部議於廐圈悉徙城外平王之馬豢於東山靖王之馬豢於西山近廐三四里內禁民勿得耕種以資牧放嗣因粵草鹹苦馬羣不繁乃取遼東草種遍植近郊今東校場尙有其萌芽土人呼爲馬鞭草卽元世祖宮

南海縣志

卷二十五

雜錄上

十

壬申續脩

苑中之示儉草也十七年靖藩移鎮福建馬廐荒廢居民墾爲場圃菜畦桑落環植天桃不減武陵好事者榜其里曰桃源康熙廿一年設立八旗駐防其地圈歸旗境將軍王永譽不欲奪民恆產量加薄賦永與管業

平藩喜田獵所畜鷹狗至多邸內有備辦處四所曰蟲蟻房養蟋蟀蠅蠅秋蟬蜜蜂處也曰雀鳥房養鶉鶉鶉畫眉鬪雞處也曰鷹鷂房養海東青及蒼鷂麻鷹處也曰狗房養關東獵犬及哈巴袖狗處也四處統於長史各派拜唐阿二十餘人以司飼養之役其王阿哥郡主縣君等所飼尙不入此四房也至之信時尤尙猫狗猫有小姐妞妞之稱狗有相公小哥之號日令宮監衣錦衫抱遊於市民無敢觸犯之者平南宮人競畜鵓鴿其種有紫燕瑄灰東青諸品放之千里

能一夕來歸遂有放鴿之戲每春秋佳日令監奴攜鴿至清遠峽山寺放之而插朱旛於鎮海樓檻以引鴿歸云

初兩藩營造府第咨請部示懇照王貝勒制式得用琉璃甃瓦以及臺門鹿頂嗣奉部駁民爵與宗藩制異察平靖兩藩均由民身立爵所請用綠色甃瓦之處礙難准行時粵東啟窑營辦甃瓦皆成至是未敢擅用乃盡施諸佛寺若粵秀山之觀音閣海幢寺及大佛寺皆此種甃瓦也書福晉所布施

云俱同上

會城玉華坊有敗屋一椽云是滿洲某參領公廨今屬民居聞之故老云是宅本尙王府第下有隧道且多藏鏹昔有人曾入隧中見櫺星雙扇狀類宮闕門外列鐵兜鍪武士十餘人從門櫺窺之堂中列二巨甕燃燈光如白晝梁垂二鐵絙

南海縣志

卷二十五

雜錄上

十一

壬申續脩

懸朱棺一具隱隱聞鐘鼓聲驚懼而出又宅後爲某旗箭道居人時見白馬二騎從後牆逸出跡之則踰垣不見疑爲藏

鏹之現相云

據鄭齋雜記脩

越井岡之陽有檀度庵女尼靜室也康熙四年平南王建爲庵主自悟比丘焚脩所平南有子二十三人女二十人其幼女某生卽茹素禮佛不諳家人操作覩諸兄弟橫恣憂患成疾力懇爲尼王不能奪選婢十人爲侍者建庵居之號曰自悟羣稱之爲王姑姑云姑姑博通梵典戒律精嚴先平南而示寂不覩家難庵有影容披髮衣紫蛾眉雙戚若重有憂者

據恭巖札記脩

舊制烏鎗所用火繩率用麻縷間有夾紙者平藩始搆榕樹根鬚爲之雖風雨不熄乾隆乙未粵兵調征臺逆大營解到

火繩有以榕根柔脆爲疑者督臣孫補山奏明榕繩經雨不
熄之故軍需遂以爲額例

關東冶匠龐秉權者世嫻鼓鑄舊在定南王軍前鑄造紅衣
大礮蒙 恩肇錫武定大將軍礮名號者也後從征廣東與
副將栗養志在九龍坑鑄造有功 賞加都司銜康熙五年
在廣州啓局煉造兵杖精利絕倫刀室鞘柄皆作鍍銀圓鶴
紋今旗庫尚有存者

華林寺藏平南王壽屏一座雕梨嵌金甚精麗字亦工妙蓋
靖藩由閩驛致爲平王八旬祝壽者也寺僧云留以永鎮山

門今尚存

俱全

梁太史佩蘭文集與王蒲衣書有云謂於古人神化處微有
理會飛衛之爲射也燕角之弧射貫虱心庖丁之解牛也奏

南海縣志

卷三十五

雜錄上

十二

壬申續脩

刀砉然至於口不能言此神化之說也又陳獨漉文集有答
太史論詩書謂太史之言曰性情欲流規格欲別詞語欲化
又曰風無聲雲無色煙無氣此皆氣象之似須成詩後觀之
非可按爲實法必信斯言韋蘇州猶有慙色王仲初去之益
遠獨漉各爲下一轉語而太史原書已不存文集中矣然亦
可知當日兩人稱詩固有相喻於微者宜其如異軍蒼頭之
特起與 國初王朱查趙諸老竝張旗鼓於中原也洪北江
論詩絕句謂饒有昔賢雄直氣嶺南猶似勝江南北江江南
人也其絕無鄉曲之見如是然亦心折於三家者至矣

據六瑩堂

文集獨漉堂集
卷施閣集參脩

南宋詞人劉鎮學者稱隨如先生居叢桂里卽今叢桂坊相
傳 國初梁藥亭太史亦嘗居此與法性寺詩僧願光交好

時相過從故獨漉南樵蒲衣諸老亦至同結吟社緝有蘭湖
倡和集太史墓在北門外訶子嶺碑有子孫十餘人後竟絕
故漸圯道光辛巳同治甲子同人前後釀金脩焉近復於文
瀾書院西偏闢藥亭詩龕設栗主供奉墓與龕春秋享祀詩
魂不至餒而矣據黃通志蘭湖倡和集采訪冊參脩

平藩屠龍眼洞後議剿佛山有金光所謂跛金者力諫止焉
又康熙丙辰有權勢覈餉佛山生民塗毒陳布衣恭尹以一
言立解存活數萬人若兩公者佛山人均當尸祝之者也據林

鹿庵金隱君傳梁藥亭陳獨漉行述佛山志餘參脩

岑徵字金紀一字霍山明季諸生鼎革後棄隱西樵所交惟
高僧野人嘗遊吳楚爲憑弔詩以當新亭之泣偶得戚少保

南堂劍作長歌紀之自註劍鑄於嘉靖丙寅南塘佩之十六載破倭酋定閩浙萬曆四年以贈陳侍

南海縣志

卷三十五

雜錄上

十三

壬申續脩

御今年乙巳歸余距鑄時適春秋一百矣昔米顛得謝客兒墨蹟自矜天幸曾何足云 集中有贈陳獨

漉詩云獨憐一代夷齊志錯認侯門是首陽獨漉忠臣子甘
以隱淪終仍恐掇禍一時公卿愛才喜相延款自當與往還

而岑君以此諷之其直諒亦加人一等矣據海詩選樓集嶺

康熙間王文簡公士正奉 命祭南海神抵粵常與藥亭獨

漉諸子游而朱竹垞潘次耕徐菊莊諸名流亦先後踵至屢

偕同讌集長壽寺寺有池水通荔枝灣故文簡手書楹帖云

紅樓映海三更日石瀾通江兩度潮而菊莊亦以半帆榜其

堂文簡聯久不存當囑寺僧補之又文簡廣州游覽小志謂

寺有拈花釋迦像飾以黃金珠玉瑋瑪瑙瑟瑟之屬莊嚴

妙好又有銅像云是唐鑄也今亦未見後咸豐間葉東卿駕

部志詵復於隔池相對構一亭榜曰待月聽潮據恭巖札記采訪冊參脩

潘稼堂太史未爲顧亭林先生入室弟子康熙間舉博學鴻
詞才品譽望殆一時之冠游廣州痛詆長壽寺僧大汕至撰
救狂砭語一卷刻之攻訐殆不遺餘力若貿首之仇者轉使
其得以藉口大汕固無足道而太史似可不必又大汕有海
外紀事一書殆卽詣安南時作道光初寺僧猶寶貴與藏經
同貯焉今佚

據粵屑采
訪冊參脩

跡刪屢居弼唐亦庵漫溪而故人陶握山別業亦弼唐地蓋
謂其俗厚人淳有理學之遺風也又嘗居佛山仁壽寺暨借
庵有卽事詩十首其師石洞在華林寺疾自羅浮歸請留侍
湯藥不許曰子氣稟孤高不能容物出則恐爲眾的祇可住
山蓋亦知其不諧於俗後師卒公推承主法席憶前囑堅辭
去撰紀夢編年前編撰於鼎湖之得我堂續編撰於大通寺

南海縣志

卷二十五

雜錄上

十四

壬申續脩

之意外堂大聲疾呼蓋不獨彼法中聞獅子吼矣

據紀夢編
年咸陟堂

集採訪
冊參脩

跡刪居大通寺道俗聞風參謁屢常滿戶然皆方便說法不
肯開堂豎拂也寺旁有祠崇祀惠商大王靈著一時每屆誕
期土人宰牲演劇以祝腥羶雜遝觸穢伽藍跡刪爲文禱諭
神像立自傾倒時人擬之爲破竈墮云

據咸陟堂
文集脩

鄧俊公恩州堡人所居話雨草堂藏英石高七尺餘狀如僧
拜跡刪嘗贈以詩有云雲頭雨足飛上船壁立崖崩驚納牖
主賓握手快平生珍重客塵頻抖搜覲面昂藏七尺軀旁觀
下拜如俯首本來面目鐵肝腸豈肯折腰徇五斗

據咸陟堂
集採訪冊

參脩

大桐陳姓蓄一乳石高二尺餘頂闊八寸有幾底一尺七寸

峯巒巖洞屏嶂寺院橋路靡不畢具鉤心鬪角細入無間而咸具天然之致故署曰天山海嶽庵所無也鬱盤飛動咫尺萬里殆希世之寶

據采訪冊脩

古明倫社石丈在河清鄉相傳萬厯間置當今尺八尺八寸零

六釐八毫

全上

佛山突岐鋪有社旁皆民居俗呼大口社後有廟祀華陀深廣不五步入廟磬折者趾相錯蓋病而祈病已而報者司祝所入積金至數百里老曰廟隘甚盍以杯琰卜於神廣之不許或曰豈神欲演戲耶賽色耶再卜復不許或進曰廟前路敲仄倘神欲脩路便行人乎復卜神許遂甃廟前路以新石平如砥始有自他鋪而居者炊烟盛於舊吁神亦靈矣

據雁山文

脩鈔

南海縣志

卷二十五

雜錄上

十五

壬申續脩

廣州九曜坊華陀廟其楹帖云愧當代以醫名未能與姦雄破腹穿胸把他心腸易換慨沈疴非藥治願各從平日脩身積善默邀神鬼扶持相傳爲元化乩筆雖未必確而語亦可

警世

據采訪冊脩

藥洲九曜石之一不知何時移向藩署翁覃溪學使屢作詩向歐陽方伯索其移還舊地不許今尙存

據譜荔軒筆記脩

廣州城北天濠街漢軍鑲紅鑲藍旗協領署內有紅蓮塘方二畝澄泓不竭朱荷萬柄不植自生相傳順治庚寅之役有貞婦襁負孤兒殉烈此塘其後遂生異蓮深紅綠萼與他芙蕖異亦靈蹟也乾隆間協領宋起鳳縮篆曰欲窮其跡岸水至底其下絕無藕根泥淖中露銅佛首其大不知凡幾有紫氣從佛口出宋驚而止未幾卒後遂相戒無敢犯者

據恭巖札記脩

仁和杭董浦太史世駿乾隆壬申爲粵秀院長日前明方文襄霍文敏已配享先賢堂而獨遺宋李忠簡明黃文裕何也乃致書大吏竝越華俱添祀兩栗主焉偶來主講瓣香前哲藉抒景仰之忱其風範亦何可及

據粵小
記脩

杭董浦太史在粵與何西池刺史耿湘門上舍最稱莫逆上舍闢素舫齋於南濠上時邀同游讌太史嘗有句云傳語南城休上鑰酒邊正要說梅花其風致如此

據聽松廬
詩話脩

董浦太史詩以嶺南集爲最何西池刺史序焉刺史固能文而太史之推挹者亦至矣

據菊芳
園集脩

羊城諸蘭若杭董浦太史多留題而報資寺云曲巷紆威費筍鞋一扉啓處水松排石牀風定或留葉菌閣潮生長到階綻衲老僧呼短杖炊茶童子拾枯柴多生結習知難忘寶所

南海縣志

卷三十五

雜錄上

十六

壬申續脩

歡來眼便揩題報資寺去城西一里而近方塘數畝石牀無塵榕陰蔽之上不見日禪窟中第一清涼地也五日偕客出遊徙倚其下日夕忘返詩以紀之又云追涼特地訪三門道是村居僻過村松頂鶴巢時墮羽石牀佛指尙留痕倦便野岸披襟坐靜愛閒僧啜茗論行到水窮幽徑出春浮樹下別開軒題耿上舍招集報資庵追暑亦志廣州游覽者所當甄錄耳餘已見前志寓賢列傳

據道古
堂集脩

董浦太史又有拜晉刺史吳隱之祠下酌水告神改貪泉爲廉泉詩云貪泉抱屈幾千年廉吏來過事更傳椽筆試教移一字不貪人飲卽廉泉

全上

董浦太史嶺南集有冬日曹孝廉約游光孝寺訪羅秀才於大雲山房詩秀才名元煥字章山爲諸生三十餘年以告病

缺贄迂邑博士棄去嘗賦歲暮懷人絕句五十首其友陳仲鴻南賓爲之註署曰粵臺徵雅錄聽松廬詩話所謂百年來詩人韻事略見一班者也又嶺海詩鈔謂南賓註多與章山入室弟子馮壩商榷故遺聞佚事多藉以傳然如文白雲一首註稱檀默齋大令作楚庭稗珠錄載文事謂其工畫而好博負進多索之急皇遽無以應雖數十幅易得稍饒卽百金求之揮不顧白雲所好者惟奕耳非以金爲博者流無負多索急之事其書已行文始得之彭南池司馬過訪時卽以自白彭贈詩末有不展稗珠看語亦足徵流聞紀載未可憑也注撰之難如此白雲名斗與元煥仲鴻壩俱南海人

據嶺南集粵臺

徵雅錄參脩

海康陳觀樓觀察昌齊嘉慶間兩主粵秀書院講席歿後院

南海縣志

卷二十五

雜錄上

十七

壬申續脩

中生徒請於大憲設粟主配享先賢堂竊謂如堇浦太史亦似當援例配享者又鄞縣全謝山庶常祖望亦嘗來主端溪講席均當援例配享端溪書院先賢堂者也

據登雲山房集採訪冊參脩

重宴鹿鳴重逢花燭皆人生最難得事馮學使成脩乃兼之嘗自署楹帖云子未必肖孫未必賢屢忝科名只爲老年娛晚景夫豈能剛妻豈能順重燒花燭幸邀天眷錫遐齡又云年方弱冠便登科亦是逢場作戲壽屆百齡重燕爾任教舞綵承歡洵福人也相傳其幼牧牛夢有持扇爲障日者扇有貴州學政四字後果督學黔中又嘗典試閩中得解首藍彩元夙爲王尚書安國典試所賞者必欲中元因與正主試不合爭之不得尚書曰姑置之此人不中元吾不信也閱二十年

果發解尚書喜極而藍老矣

據兩般秋雨盦隨筆採訪冊參脩

勞孝廉潼以理學稱兼工時藝乾隆乙酉試畢以第一人自命榜發乃第二人問解元誰曰梁泉孝廉默然孝廉爲潛齋學使入室弟子咸豐辛亥師生同日崇祀郡邑鄉賢祠

據采訪冊

莪野孝廉自序孝經考異選註曰年來風木久悲迴念平生子職之虧無從追補故勉輯此書俾後生輩有所觸發早供厥職勿如予之抱憾終身也讀者皆爲流涕嘉慶辛酉春先生病甚一日顧家人曰吾病縱不治幸兒女皆侍側亦復何憾獨吾父歿時子女四人無一在前者甚可哀也因伏枕嗚咽尋卒可謂孝矣崇祀鄉賢洵無愧色曾祖翀亦崇祀鄉賢

據雁山文鈔脩

勞作栱字需大莪野孝廉長子幼瞽孝廉每購書輒讀令聽

南海縣志

卷二十五

雜錄上

十八

壬申續脩

之遂博通經史凡山經地誌陰陽卜筮之書靡不究悉孝廉或反叩焉則朗誦無訛舛每屬文口授諸弟錄以呈孝廉孝廉喜後歿諸弟皆聽命焉循循規矩力於學如孝廉在時恆以卜筮爲業顧留心時事已已饑作書千餘言欲以孝廉救荒備覽呈百文敏請平糶又欲致書李椒堂太史速言於當事而文敏已發倉乃取兩書藁焚之曰毋令見此書者謂功出自余也

全上

元妙觀西偏乾隆初有道人黃某墾隙地爲菜畦獲藏錕無算相傳初啟土三四尺得朽木盈丈視之蓋洋舶也搜掘至艙因獲多金意唐宋前此處尙屬瀕海巨浸耳

據恭巖札記脩

有王姓者恆賣藥元妙觀歿栗主祀五仙觀中病者祈籤方

輒應咸夢其作道士裝往診視

據采訪冊脩

乾隆丙午廣郡南門火延及外城左右街經日始熄有民負母出避而未攜其二子一四歲一週歲火熄後意其死往收餘燼遍搜不得聞敗牆後有嬉笑聲乃二子在竈下戲又當未火先一日有老父負一梯長二丈餘市於城門側取價極昂日暮老父求寄此梯市人多不欲有憐其老者許之置神廟中是夜火起甕城中十餘家不能避倉皇之際憶及此梯登之入城得免而老父竟不來取疑其爲神遂祀之梯至今

猶在

據粵小
記脩

乾隆丙午丁未粵大饑佛山黃氏有祠在蘭臺里將鬻之某妻彭氏寡攜幼子哭於父老之門曰餓死命也奈何使祖宗無所棲止且瓜分之得幾日飽耶父老不應他日旣成價矣婦復哭於祠曰婦將與祠共存亡誓不獨生也鬻者亦悔眾

南海縣志

卷三十五

雜錄上

十九

壬申續脩

曰嫠婦孤兒何能爲行輾轉溝壑死耳婦知勢不能止哭訴於官官拘父老鞫之曰窮餓耳官曰里長報貧民名籍有彭氏無若等名若雖貧較婦孰愈將予杖婦叩首曰父老實餒甚杖恐致死婦願祠不毀不願父老受杖也官驚異曰賢哉斥諸父老梏爲首者於祠三日後婦復乞官釋之

據雁山
文鈔脩

僧厚德在某寺供灑掃之役目不知書於內典經懺未嘗習誦而刻意焚脩日坐蒲團無閒寒暑乾隆丙午結茅白雲山麓時羊城久旱曝烈日中求雨旬日甘霖大沛後死其徒某奉爲白雲開山祖師云以視天然石洞精通內典者固遜一籌然以視大汕則天壤迥殊矣

據鄭齋
雜記脩

厚德常患閉口痢醫者曰宜暫茹葷取螻蝻去其皮糜其肉加葱本蒸焉食之病當愈嘆曰此亦數也吾潔身脩行數十

年終不可以將死故戕一生命起坐而歿

據譜荔軒
筆記脩

磊園在會城西本顏翁別墅以石勝故名翁遣戍後久易主
唯故址略存耳陳禴芳上舍號湘舟又號松扃山人夜錦堂
集有磊園詩百韻於主人之榮瘁賓客之合離有餘慨焉蓋
感念昔遊作也又有遊鬼詞數十章與羅兩峯圖鬼趣同殆
俱抒寫其抑塞磊落之慨又嘗與周若谷孝廉和沈石田落
花詩二十首合刊之今皆不存唯磊園詩在耳

據嶺海
詩鈔脩

乾隆間西關豪商石氏園有竹生貫桐心名曰桐心竹以爲
祥徵也徵詩得數千首時朱文正公珪撫軍粵東戴文端公
衢亨督學求定甲乙黎二樵簡擅場其後石氏家乃寢不逮
昔則二樵詩序所謂桐自空也竹自迸也當作平等觀其信

然矣

據五百四峯堂詩
集采訪冊參脩

南海縣志

卷三十五

雜錄上

二十

壬申續脩

鄭一者蔡牽餘黨牽殲於浙一收合餘燼往攻安南爲巨礮
轟擊死妻曰鄭一嫂粵妓也遂與其黨張保返粵洋爲盜復
有烏石二東海伯郭婆帶等相約連檣數百擾瀕海村落督
部百文敏公齡嚴海禁無接濟者奔突益甚番禺順德香山
以逮南海瀾石荔支園等處禍有最酷者顧一嫂通於保其
黨多不平保有降意文敏命日者周飛熊往說焉令其立功
自效保攻烏石二東海伯等殲焉乃降文敏奏於 朝官之
而令保妻一嫂旋署順德協順德人多切齒者不自安後調
閩軍門王得祿在浙洋時會勦牽者頗輕保凡事多齟齬保
怏怏而死一嫂攜保子歸粵猶擁厚貲云僦居駐防某生屋
命其子學射蓋例得蔭猶欲以武職世其家與之談舊事不
諱中庭懸文敏像晨夕禮焉其子不肖後病瘵以卒諒亦凌

替矣據香山志采
訪冊參脩

郭婆帶原名學顯粵洋巨盜而性頗知書巨舶儲圖書甚富
暇輒瀏覽先張保降百文敏欲官之力辭卜居羊城延師課
子母葬白雲山麓歲攜其子掃墓樸如村農後竟以壽終於
家亦創聞也然其後亦不振云據兩般秋雨盦隨
筆靖海氛記參脩

張保未至瀾石霍永清嘗語人曰日者謂吾命運今歲最佳
直說謊耳保至戰死鄉人立廟尸祝焉香火特盛近復祀
學宮忠孝祠命運之佳孰有過於春秋享祀不忒者子平之
說驗如此據靖海
氛記脩

鑼鼓三譚姓其技能合鼓吹一部而一人兼之初三貧瞽有
母三行乞不足以贍一日在五仙觀遇一道士憫其貧苦問
其家何有三泣曰有老母此時待瞽子不歸不知何景况矣

南海縣志

卷二十五

雜錄上

二十一

壬申續脩

道士與以數金使買諸樂器因傳以技三每出有招作技者
布席於地金鼓管絃雜遝並奏唱皆擲子腔聽者不知爲一
人也每出獲錢數千家以小康往覓道士則觀中無是人或
曰仙人所傳憐其孝也據鄭齋
雜記脩

有巨室子某南海人年甫十五六忽患瘋疾其父母另構山
寮居之所聘妻亦巨姓女父母欲另字人女泣曰未婚而婿
櫻惡疾女之命可知且從一而終婦人之道也義不他適誓
之以死父母不能奪卒歸某氏未幾女亦染篤疾空山中形
影相弔聞者傷之一夕明月在天露坐石上忽見前溪一物
自水中出似兔而小趨視之竄入松林而沒誌其處明日發
土視之則千歲茯苓也剖而分食之宿疾頓失瘡痍全消兩
家父母聞而往視喜迎之歸莫不嘆爲貞節之報云據池上
草堂筆

尼悟幾佛山陳元佐女性至孝以父母貧無子矢志不嫁紡績以養及父母歿或謂子今可以字人矣女泫然曰吾去誰奉父母祀者已而勸者益眾女曰此難以口舌爭也削髮為尼密處長慶庵中歲時祀其父母因靜生悟遂自名悟幾年既老始往人家為婦女演說孝義申以果報臨寂語其徒曰吾往某巨室為男如言跡之巨室果以是日產男掌中隱隱

有悟幾二字云

據陳佛志脩

南海吳某納貲為刑部郎同官某與有夙嫌蓄意傾陷吳懼引疾歸佛山有解庫二子司其出納吳或一至而已一日有北客二人攜檀盒貯珠冠求質錢三百緡依數署券其人去貯檀盒於櫝旬日後吳適至知曾質珠冠命取視啟櫝則檀

南海縣志

卷三十五

雜錄上

二十二

壬申續脩

盒在珠冠已無有惟藏髑髏一具顏色如新子大駭吳禁弗聲乃不惜重貲購巧匠依票上冠之輕重珠之大小如式製造既成不減原物而華豔過之於是仍納檀盒中而密沉髑髏於河未幾前二人持券來贖取冠付之反覆審視若訝非故物者卒持去遣僕尾其後見河岸艤舟聞二人私語曰主人造意欲陷其子大辟不虞其自易之也鼓枻而去吳乃誠其子罷業歸後數年聞同官死始稍稍復理故業焉

據鄭齋雜記脩

南海李氏父母皆百歲子四人亦夫婦偕老長者八十最少亦六十餘一堂十老人洵瑞徵也

全上

藩署之西有松三株大可合圍宋時物也有神棲之以不利會城方伯康公墓田知工人不敢伐自持斧劈之曰吾親伐爾非工人也刀入樹中有血溢出工人愈恐公怒伐益力卒

無他異蓋公以正道爲民神雖靈不能禍也

據粵小記脩

藩司署後樓五楹集蝙蝠無數大如鴿鷄小如燕雀皆赤色
污糞塵積人不敢登方伯某蒞任集營兵以銃擊之終不翔
去未幾方伯以事落職其後永加封鑰不復啓視云

據鄭齋雜記脩

粵臬署後園有榕樹幹半截大數圍前明物也 國初已萎

有神棲其上官初下車必祭以少牢每朔望則設牲演戲以
侑神出現官必有喜事嘉慶間臬使吳公俊曾親見之朱衣

銀鎧儼如武士人呼爲將軍樹

據粵小記脩

嘉慶九年九月十六日夜漏三下忽如白晝與星月光迴殊
俄頃如故會城人多見之按集異記載開元七年裴佶督廣
州時嘗觀此謂巨鼈出海雙目如日照耀海天之故

據鄭齋雜記集

異記參脩

南海縣志

卷二十五

雜錄上

二十三

壬申續脩

撫署舊多怪異人恆見之適松文清公筠總制兩粵撫軍偶

談及之公方大醉言我能治之命東長桿濡濃墨書一虎字

於屏怪異果絕字長八尺有奇

據粵小記脩

松屏基在丹桂堡明天啟間築內塘而外溝中植水松二百
餘株望之如屏障故曰松屏村人每視松長孫枝以占豐歉

聽黃鸝聲爲耕種之候云

據采訪冊脩

魁岡堡江湄村倚青薑大松螭霞三岡螭霞岡石壁峭立中
有山坳可藏數百人嘉慶十四年海寇犯境鄉人拒戰潰眾
匿其中賊登岸無所見得免於難榜曰太平崖下有仙人趾
掌痕相傳曾有仙憩其中

何公竇在蜆壳圍西偏基內前志錄而未詳殆明何雲峯都
轉文邦獨力所開引西海水灌東偏圍數頃之田上通西城

市竇下通抱龍橋竇利賴無窮矣有橋三曰一步二步三步由小瀛至大藁鄉橋一均以木爲之嘉慶初里人黃君揚宏易以石竇啟閉暨魚蝦之利小瀛主之以其利爲脩竇及橋

經費

俱全

道光壬午九月西關火延燒三晝夜水車救火者牛喉盡裂阮文達公元在城堞上立看下上數次後乃仰天拜祝至潸然涕泗投衣冠烈焰中先一年辛巳程月川含章守廣州踰年七月晉中丞撫東粵十月至遍歷災區不覺涕流被面乃進署噫安得盡如兩公者以節鎮寰海都典一方也

據粵小記訪冊

參脩

西關登龍巷華光廟不甚宏敞亦未聞特著靈異道光壬午大火延燒神廟殆百區顧巋然獨存十餘里斷井頽垣彌望

南海縣志

卷二十五

雜錄上

二十四

壬申續脩

左右鄰鋪一空而門樓棖桷無燬者廟外懸燈籠二尙依然也會城人特詣瞻之

據採訪冊脩

十一鋪大巷觀音廟初甚湫隘蕭寥埃蕪像設略備有傭保偶與司香者同寓夜踰垣盜鄰右財賄衣物甚多比曉神色沮喪謂有人阻其不能出廟門者司香疑偕鄰右遍搜遂敗香火緣此特盛謂神著靈異三二十年間祈禱報賽靡間晨夕司香歲入無算廟宇煥然一新而叢桂里金利埠以迄飛來廟等處十數區宏敞倍之而喧闐轉遜矣

會城元武廟殿前池巨龜七八俗稱火燻煤大如鼉屬不知何代物殆匪龜類道光癸巳西北潦盛漲越石闌三版宜咸縱壑去水涸覩其一橫度光雅里華帝廟東偏隔牆社壇右九里香樹底惟側身能度游行十餘里巨浸經六七晝夜男

婦老稚東播西流以衣涉水者踵相接乃不嚙一人似有鬼神驅使潛伏者後舁還池內俱全上

趙甌北集光孝寺貫休羅漢詩乃寫經一軸耳與朱竹垞陳獨漉所賦同則張藥房所賦渡海面壁伏虎咒鉢等爲眾寺僧分貯不輕以示人歟或後竟通靈以去歟未可知矣考東坡自海南歸過清遠峽寶林寺作禪月所畫大阿羅漢讚有十八尊清遠距南海不遠此軸或疑卽寶林寺中物然各詩所言景物與讚中無一合者殆不然矣又趙詩序云此軸筆法古勁梵相生動迥非宋以後人所能殆真蹟也則渭南文集稱法雲寺帝京景物略稱明因寺均各十六軸池北偶談筠廊偶筆稱愍忠寺十八軸俱完好者或轉爲臨本據東坡文集甌

北集參脩

南海縣志

卷二十五

雜錄上

二十五

壬申續脩

吳巢松慈鶴集有光孝寺貫休羅漢讚暨駢體序綜葺詞采錯比文華亦混然寫經一軸耳據岑華居士外集脩

謝里甫太史蘭生詩書畫均擅勝場而畫筆尤超吾粵石鼎道士後一人而已顧羣從兼工繪事者至十餘輩殆太史與父景卿弟觀生導其先路者太史詩有云空中樓閣仙山色耳後風濤海水聲又云酒氣海風吹不醒墨痕山雨灑偏濃非眞畫者不能道據詩人徵畧耆舊集參脩

吾邑周新爲杭州城隍具見羣書及前志廟在城隍山吳荷屋中丞榮光宦浙嘗書門聯曰西湖俎豆南海衣冠撰自同邑人尤見工切渾成又相傳廟中有鏡照者往往自見其罪惡司祝恐其怖人移置他所云據粵小記采訪冊參脩

顏孝廉平章父某在武夷山早行見有棄嬰兒於路者收養

之及長還其族人後臥病恍惚間有人引見冥官稽籍久曰此人曾活一命當延壽一紀子平章乾隆己酉恩科舉人官華亭知縣命冥卒引去遂甦已酉非恩科後果 命改作恩科平章中式乃以大挑二等官開平訓導卒知縣之語不驗造物偶於一事中示以因果而又不盡然所謂天道神而

莫測

據鄭齋雜記脩

顏孝廉斯總少以白杜鵑花詩得名應京兆試有夕陽殘後猶隨舵春水高時欲上帆之句爲張船山太守所賞因留問業焉又言嘗遇異人決其年不永授以藥謂定數難逃或冀可解脫迨南歸歲壬午疾作檢其藥久亡之矣遽卒然集中詣日者推命作有云但恐工鐫刻所不知者壽則固自知之而自言之矣其才可以著書撰 國朝語林雨牕漫筆均未

南海縣志

卷三十五

雜錄上

二十六

壬申續脩

成

據耆舊集脩

倪大令濟遠以名解元連捷成進士歷宰粵西北流興業恭城等縣工詩其超妙豪宕有神似劍南遺山者性兀冢倜儻不羈恆與上官齟齬故時有袁于令三聲之謔顧集中多爲民請命如疫鬼賑荒諸作亦何減元次山春陵行乃作令廿年未晉一階引 見南歸道卒宦橐如洗其三子俱先後夭折無期功之親誌狀銘誄無一字存者安問口碑可謂才人之至厄葬後十餘年熊笛江學博儀墨農孝廉等始籌款購得柳波沖小屋一俾其戚居之虔奉粟主榜曰倪秋槎祭產或不至餒而詩詞已著錄前志藝文略而未刻叢稿倍之恐今亦在若存若沒之間矣

據耆舊集采訪冊參脩

嘉慶丙子倪秋槎大令家牝雞司晨而大令卽以是年領解

聯捷成進士歷宰粵西劇縣若謂其獨以官貧而後嗣復絕
爲家之索乃徵發於二十年前殆不然爾

據廊齋雜記
採訪冊參脩

熊廣文景星詩倜儻不羣豪宕沉鬱阮文達公關山堂課士
以詩受知者廣文與徐鐵孫觀察榮稱最兼工書畫潤筆間
歲幾千餘金詩稿多不存今遺集殆吉光片羽耳卽如丁丑
下第南歸云西施去後無紅粉昭諫歸來尙白衣人爭傳誦
之而廣文夷然不屑也至藝談錄云榆莢沈郎錢不借櫻桃
樊素口輕開又云花竹有情還弄色滄桑無定莫關心語本
不甚工不知松心老人何以獎借及此

據藝談錄采
訪冊參脩

招大令子庸性脫略工畫竹雨葉風枝求者靡不應嘗以數
幀勒石諸鉅公爭跋焉後復喜畫蠨又嘗輯粵謳人咸姍笑
之而跌宕如故迨作令山左顧以廉能稱旋鐫職非其罪也

南海縣志

卷三十五

雜錄上

二十七

壬申續脩

或贈以詩云憐君絕異袁于令不爲三聲竟罷官

據採訪冊脩

道光癸未西園吟社第二集題水仙花徐茂才良琛詩擅場
有云天風約鬢愁無語湘水湔羣凍有稜我正含情擁瑤瑟
曲終人遠喚難應竊謂古今詠水仙詩當以此爲第一著有
摹芙蓉館集未刻子七人俱夭折

據耆舊
集脩

葉茂才瓚貧往西粵佐理鹺務久不習舉業積金三百道光
癸巳粵東大饑卽將所積付鄉人倡捐以賑眾和之全活無
算乙未返赴省試有謂其必獲售者咸笑之榜發果然原未
有子次年產一男家漸裕夫賑施至鉅萬者未聞其果報之
速如是葉本寒士洵加人一等天亦踰格佑之宜爾

據池上
草堂筆

脩記

九江村民產一子彌月重五十餘斤遠近喧傳索見者與錢

一文日獲錢無算半載殤俗稱殤子爲索債此則還債也

據 鄭

齋 雜
記 脩

南海縣志

卷二十五

雜錄上

二十八

壬申續脩

南海縣志卷二十五

譚 瑩分纂